

VESTRE SLIDRE KOMMUNE  
Slidrevegen 16  
2966 SLIDRE

Dykkar ref.:

Vår ref.:

Dato:

Sak/dok.: 06/02357-99

08.11.2023

Ark.: 326.12

## Vedtak i namnesak 2023/68 – Mosvatnet/Movatn/Movatnet med fleire i Vestre Slidre

Statens kartverk har i dag gjort vedtak om fleire stadnamn i Vestre Slidre kommune slik det går fram av den vedlagde lista.

Vedtaket er gjort med heimel i § 7 tredje ledd i lov om stadnamn.

### Bakgrunn

Namnesaka blei teken opp av Vestre Slidre kommune i samband med adressering, jf. brev datert 23.01.2023. Kommunen tok i tillegg opp namnesak for *Nørdre Trollhovd / Nørre Trøllhøvd* og *Storhovd/Storhøvd*, jf. brev datert 09.03.2023. Kartverket tok samstundes opp namnesak for *Kåta/Kota/Køta* i samband med kommunen sitt vedtak om adressenamnet *Køtavegen*. Namnesaka blei reist for å fastsetje rett skrivemåte for offentleg bruk.

Kartverket sendte saka til høyring og kunngjering i Vestre Slidre kommune i brev datert 30.03.2023, i tråd med § 8 i loven. I e-brev datert 19.05.2023 sende kommunen dei lokale høyringsvara til Språkrådet.

Språkrådet gav tilråding i brev datert 17.08.2023.

### Rettsleg grunnlag

Når ein skal fastsetje skrivemåten av eit stadnamn for offentleg bruk, er hovudregelen at ein skal taka utgangspunkt i den nedervde lokale uttala av namnet. Skrivemåten skal fylgje gjeldande rettskrivingsprinsipp i norsk, jf. § 4 fyrste ledd i loven. Skrivemåten skal vera praktisk og ikkje skugge for meiningsinnhaldet i namnet, jf. § 1 fyrste ledd.

I *utfyllande reglar om skrivemåten av norske stadnamn* er det meir detaljerte reglar om korleis stadnamn skal normerast.

I tillegg må det takast omsyn til normeringspraksisen i området og skriftradisjonen for namnet saka gjeld, og kva som er registrert i Sentralt stadnamnregister (SSR) frå før. Lokale ynske frå dei som har uttalerett skal au spela inn. Det skal leggjast særleg vekt på ynsket til eigaren når saka gjeld bruksnamn, og skrivemåten som eigaren ynskjer, ligg innanfor regelverket.

Skrivemåten av slektsnamn skal ikkje påverke skrivemåten av stadnamn. Vedtak som gjeld skrivemåten av stadnamn, får heller ikkje fylgjer for skrivemåten av slektsnamn.

## **Kunngjering**

Kommunen skal syte for at vedtaket blir gjort kjent for dei partane i kommunen som har klagerett etter § 12 fyrste ledd i loven, og som ikkje er adressatar i dette brevet. Jf. § 9 i forskrift om stadnamn. Me ber au kommunen om å informere innbyggjarane i kommunen, t.d. med notis i ei lokalavis og på nettsidene sine.

Når vedtaket gjeld skrivemåten av bruksnamn, skal kommunen sende melding om vedtaket direkte til eigarane av bruket.

## **Bruksnamn**

Vedtak om skrivemåten av gardsnamn skal som hovudregel vera retningsgjevande for skrivemåten av bruksnamn som er identiske med gardsnamnet, eller der gardsnamnet går inn som ein del av bruksnamnet. Men etter § 5 tredje ledd i lov om stadnamn har eigaren rett til å fastsetje ein annan skrivemåte av namnet på eige bruk enn den som fylgjer av § 4 fyrste ledd i loven. Føresetnaden er at hen kan dokumentere at skrivemåten har vore i offentleg bruk som bruksnamn (på offentleg kart, på skilt, i matrikkelen, skøyte e.l.). I så fall må eigaren sende krav om det til Kartverket og leggje ved slik dokumentasjon. Klageretten for namnet i andre funksjonar, t.d. gardsnamnet, fell då bort. Kartverket er formelt vedtaksorgan au for skrivemåten av bruksnamn fastsette av eigaren.

## **Bruken av vedtekne skrivemåtar**

Me vil minne om reglane i stadnamnloven om plikt til å bruke vedtekne skrivemåtar, jf. § 11, særskilt fyrste setning, som har denne ordlyden: «Når skrivemåten av eit stadnamn er fastsett etter denne lova og ført inn i stadnamnregisteret, skal han brukast av eige tiltak av dei som er nemnde i § 1 tredje ledd». Det vil seia organ for stat, fylkeskommune og kommune og selskap som det offentlege eig fullt ut.

Me presiserer at lov om stadnamn regulerer *offentleg* bruk av stadnamn. Privatpersonar og bedrifter som ikkje er heileigde av det offentlege, er difor ikkje pålagde å fylgje vedtekne skrivemåtar.

Når det same namnet er brukt om ulike namneobjekt på same staden, skal skrivemåten i primærfunksjonen som hovudregel vera retningsgjevande for skrivemåten i dei andre funksjonane. Dersom dette vedtaket blir ståande utan at det blir påklaga, legg me difor til grunn at kommunen vedtek same skrivemåten i ev. adressenamn og adrestitleggsnamn der namnet blir nytta.

Når det er gjort vedtak om adressenamn og grunnkrinsnamn, skal den vedtekne skrivemåten leggjast inn i matrikkelen, og adressenamn i SSR bli oppdaterte frå matrikkelen. Vedtak om adressenamn skal framleis sendast til m.a. Kartverket, jf. § 9 fjerde ledd i forskrift om stadnamn.

Kartverket fører den vedtekne skrivemåten av bruksnamn i SSR, og skrivemåten blir henta inn i matrikkelen derifrå.

## **Klage**

Vedtak om skrivemåten kan etter § 12 i lov om stadnamn påklagast av dei som etter § 6 bokstav a til c har rett til å taka opp saker om skrivemåten av stadnamn. Klagefristen er tre veker frå meldinga om vedtaket er komen fram til mottakaren, jf. § 9 i forskrift om stadnamn. Dersom meldinga skjer med offentleg kunngjering, tek klagefristen til frå den dagen vedtaket blir kunngjort fyrste gongen. Dei som har klagerett, har rett til å sjå saksdokumenta, som er arkiverte hjå vedtaksorganet. Det er høve til å søkje om utsett iverksetjing av vedtaket til klagefristen er ute eller klaga er avgjort.

Ei eventuell klage skal sendast til Kartverket med kopi til kommunen. Klaga skal grunnjevast, og grunnjevinga må omtala alle namn eller namneledd klaga gjeld.

Når ein tek opp ei klagesak, gjeld dei same sakshandsamingsreglane som for namnesaker elles. Dersom vedtaket blir oppretthalde, sender Kartverket saka vidare til Klagenemnda for stadnamnsaker, som gjer endeleg vedtak.

Venleg helsing

Helge Dønvold  
seksjonssjef

Åsmund Christenson  
sakshandsamar

Dokumentet blir sendt utan underskrift. Det er godkjent i samsvar med interne rutinar.

Lenkjer: [Lov om stadnamn](#)  
[Forskrift om stadnamn](#)  
[Utfyllande reglar om skrivemåten av norske stadnamn](#)

Mottakar: VESTRE SLIDRE KOMMUNE

Kopi: SPRÅKRÅDET  
STATENS VEGVESEN LILLEHAMMER KONTORSTED  
INNLANDET FYLKESKOMMUNE

Vedlegg: Tilråding frå Språkrådet  
Namneliste